

وقفة مع النفس " بين بداية عام و نهاية عام " | #خطبة_جمعة |

د . حازم شومان

حازم شومان

ان الحمد لله. ان الحمد لله فاحمده ونستعين به ونستهديه ونستغفره نحمده ونستعينه به ونستهديه ونستغفره ونعوذ بالله من شرور انفسنا ومن سيئات اعمالنا. اللهم انا نعوذ بك من شرور انفسنا. ومن سيئات اعمالنا. انه من - [00:00:00](#)
الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق تقي ولا تموتن الا وانتم مسلمون. يا ايها الناس اتقوا ربكم الذي خلقكم من - [00:00:40](#)

في واحدة وخلق منها زوجها. وبث منهما رجالا كثيرا ونساء. واتقوا الله الذي تساءلون به والارحام ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم. ويغفر لكم ذنوبكم. يصلح - [00:01:02](#)
لكم اعمالكم ويغفر لكم ذنوبكم. ومن يطع الله ورسوله فقد فاز. ومن الله ورسوله فقد فاز فوزا عظيما. اللهم صل على النبي محمد وعلى ازواجه امهات المؤمنين وعلى ذريتي وال - [00:01:32](#)

انك حميد مجيد. اللهم صل وسلم وزد وبارك على نبينا محمد عدد خلقك ورضا نفسك وزنة عرشك ومداد كلماتك. اللهم صل على الحبيب محمد عدد قطر الامطار وعدد ورق الاشجار. وعدد مكاييل البحار - [00:01:52](#)
عار وعدد ما اظلم عليه الليل واضاء عليه النهار. اللهم اكرمنا ولا تهنأ. اللهم اعطنا ولا تحرمنا. اللهم اثرنأ ولا تؤثر علينا. اللهم اهدنا ويسر الهدى الينا. اللهم انصرنا على من بغى علينا. اللهم انصرنا - [00:02:12](#)

الا من بغى علينا. اللهم انصرنا على من بغى علينا. اللهم استعملنا ولا تستبدلنا. اللهم استعملنا لنصرة دينك في الارض اللهم اقمنا على مرادك منا. اللهم اهد قلوبنا وسدد سنتنا. واسل سخائم صدورنا - [00:02:32](#)
تقبل توبتنا واغسل حوبتنا واجب دعوتنا. اللهم يا ربنا اهدنا وسدنا. انك ولي ذلك والقادر عليه. اخواني واحبابي في الله وقفة مع النفس. وقفة مع النفس. وقد بقيت ايام على بداية عام هجري - [00:02:52](#)

من جديد وقفة مع النفس لازم كل واحد منا يقف مع نفسه الوقتي. السنة اللي انقضت من عمرك دي مرة عام. وسيمر العمر كما مر وهذا العام وبدأ او سيبدأ عام جديد. السنة اللي فاتت دي الليالي اللي قمتها اكثر ولا الليالي اللي نمتها؟ السنة اللي فاتت دي - [00:03:12](#)

الايام اللي صمتها اكثر ولا الايام اللي فطرتها. السنة اللي فاتت دي جلسات الضحى اللي قعدتها اكثر ولا اللي نمتها؟ السنة اللي فاتت اديك راح عليك كم فجر؟ السنة اللي فاتت دي غص البصر كان حال قلبك فيه ايه ؟ السنة اللي فاتت دي قربتك من ربنا قد ايه - [00:03:32](#)

ايه ؟ قربتك من الفردوس الاعلى قد ايه ؟ قربتك من الشرب من ايد النبي على الحوض قد ايه ؟ عليه الصلاة والسلام. قربتك من اللهاق بالصالحين في الجنة قد ايه ؟ قربتك من ابواب الجنة التمانية قد ايه ؟ قربتك من رضا ربنا قد ايه ؟ ربنا رضى عنك فيها - [00:03:52](#)

ولا لأ ؟ اعتقت رقبتك من النار فيها ولا لأ ؟ ربنا عفا عنك فيها ولا لأ ؟ السنة اللي فاتت دي. كل شرك بعد نهاية سنة بتعمل زي دراسة للسنة اللي فاتت. تحسب فيها. كسبت قد ايه ؟ خسرت قد ايه ؟ لها ديون - [00:04:12](#)

عليها ديون المحصلة النهائية ايه ؟ وبناء على التقرير النهائي للسنة. بتبدأ تدخل السنة الجديدة بفكر جديد باستعداد جديد. السنة الجاية هتبقى زي السنة اللي فاتت. الليالي اللي نمتها اكثر من اللي قمتها السنة الجاية هتبقى زي السنة اللي فاتت. هيغلب -

[00:04:32](#)

الغفلة اكثر من الذكر. السنة الجاية هتبقى صفحة جديدة في حياتك. هتبقى نقلة جديدة في حياتك. ولا هيفضل نزيف العمر المستمر كل واحد منا عامل زي واحد قاعد ينزف دمه نقطة نقطة. وهو مش حاسس لحد ما هيموت. اهو كذلك عمرنا بيسكب. يوم يوم وشهر

[00:04:52](#) شهر -

شهر وسنة سنة نحن نتحدث عن عام مضى لا نتحدث عن يوم مضى ولا عن شهر مضى. احنا بنتكلم عن سنة عمرك فيه كم سنة ولسه في عمرك كم سنة؟ عايزين ندخل السنة الجاية يا جماعة بازن الله. ولكن بفكر جديد. عايزين ندخل السنة الجاية - [00:05:12](#) لكن صح وغير كده. احنا لسة خارجين من تمام ميقات هذه الامة. لسة خارجين من عشر ذي الحجة. قال تعالى ووعدنا موسى ثلاثا اتينا ليلة واتممناها بعشر فتم ميقات ربه. اربعين ليلة. بعض العلماء قال لك كما ان لموسى ميقات فلامه محمد ميقات - [00:05:32](#) اربعين ليلة قال لك ثلاثين رمضان والعشر بتاع عشر ذي الحجة. قال لك فمن عبد الله فيهما فقد اتم الميقات كما اتم الميقات لسة خارجين من عشر ذي الحجة. اكبر موسم عبادة في السنة. لسة خارجين من عرفات. لسة خارجين من يوم الحج الاكبر افضل ايام -

[00:05:52](#)

قيام الدنيا عند الله لسة خارجين من ايام افضل ايام الدنيا عند الله عموما وهي العشر وافضل ما فيها يوم النحر اللي هو يوم الحج الاكبر اللي هو اول ايام العيد. لسة خارجين. الايام دي عملت فيك ايه ؟ غيرت فيك ايه ؟ يا جماعة مش دول المعسكرين بتوع الامة طول السنة - [00:06:12](#)

امة عارفين زي الفريق القومي كده له معسكرات قبل ما يدخل البطولات. ولكن المصيبة انك تدخل المعسكر وتطلع منه على طوله تتغلب آآ كم كم؟ المصيبة ان ده حال الامة. ده مش حال الفريق بس. ده مش حال المنتخب - [00:06:32](#) القومي بس ده حال الامة يا اخواني. يا جماعة احنا لسة خارجين من اكبر معسكر ايماني طول السنة. اكبر معسكر عبادة طول السنة. غير في راسك ايه؟ غير في صدقك ايه؟ غير في يقينك ايه؟ غير في صلتك بالله ايه؟ غير في صيامك وقيام - [00:06:52](#)

ايه؟ خرجت بايه؟ خرجت من المولد بايه؟ اخواني في الله. عايزين وقفة مع النفس. نشوف احنا كده ولا لازم نقلة في حياتنا؟ ولا لازم سورة تصحيح جوة حياتنا؟ هنقدر نكمل ولا لا ؟ واحنا داخلين السنة الجديدة - [00:07:12](#)

واحنا داخلين العام الهجري الجديد. فيه اشارات على باب السنة الجديدة. اشارات لازم تاخذ بالك منها عشان تعرف السنة الجاية ما تبقاش زي السنة اللي فاتت عشان السنة الجاية باذن الله ما تبقاش زي نزيف العمر اللي فات. عشان من هنا ورايح كل سنة تبقى نقلة جديدة في حياتك. اول اشارة - [00:07:32](#)

مكتوب عليها لحد امتي؟ لحد امتي نزيف العمر ده؟ لحد امتي هيفضل ينقضي سنة ورا سنة لحد ما تفاجأ انك انت على فراش الموت وسلام وعليكم وعليكم السلام. لحد امتي؟ لحد امتي مش هتقف مع نفسك؟ احنا الوقتي بنتكلم عن سنة عدت. والنبي عليه الصلاة والسلام يقول - [00:07:53](#)

ما من ساعة النبي ما قالش ما من سنة النبي ما قالش اقف مع نفسك من سنة لسنة. النبي قال اقف على نفسك من ساعة لساعة. وقفة على مع النفس بعد ساعة غفلة. فما بالك بوقفة مع النفس بعد سنة غفلة - [00:08:13](#)

يا اخواني في الله ما من ساعة تمر بابن ادم لا يذكر الله تعالى فيها لا يذكر الله تعالى فيها الا حسر عليها يوم القيامة. هيندم على الساعة مش هيندم على - [00:08:33](#)

ضيعنا كم ساعة؟ ضيعنا كم ساعة يا جماعة السنة اللي فاتت دي ؟ كم ساعة هيندم عليها يوم القيامة؟ ضيعنا كم ساعة برة رمضان وكم ساعة في رمضان ضيعنا كم ساعة برة عشر ذي الحجة وكام ساعة في عشر ذي الحجة. مواسم العبادة الاساسية اللي تسعين في المية منا لو دخل الجنة - [00:08:53](#)

ادخل بسببها. عبت ربنا فيها ولا لاً؟ رمضان والعشر مواسم العبادة بالنسبة للمفرطين خبطة السنة. وبالنسبة لمقتصدين شحنة السنة. وبالنسبة للمجتهدين حصاد السنة. ده هو يفضل يتعب من الوقتي عشان - [00:09:13](#)

رمضان الجاي يبقى صح. عشان عشر ذي الحجة الجاية تبقى صح. لان الليلة في المواسم بالسنة من اولها لاخرها. بل الليلة في المواسم اكر من السنة من اولها لاخرها. فالصالحين كانوا فاهمين ان انا مش داخل رمضان اتشحن مش داخل عشر ذي الحجة اتشحن. مش داخل اعمل خبطة وانام عليها طول السنة! ده - [00:09:33](#)

انت داخل احصد ثمار المجاهدة في قيام الليل طول السنة. ثمار المجاهدة في الصيام طول السنة. ثمار المجاهدة في اصلاح قلبي طول السنة انا اول يافطة مكتوب عليها لحد امتي؟ تاني يافطة وانت داخل السنة الجديدة مكتوب عليها معك مين؟ معك مين؟ - [00:09:53](#)

خلى عمر عمر انه صاحب ابو بكر. واللي خلى ابو لهب ابو لهب انه صاحب ابو جهل. يا جماعة مش تمشي في الدنيا لوحدا. مش هتقدر تصلح قلبك لوحدا. مش هتقدر تجاهد في سبيل الله لوحدا. مش هتقدر تشتغل في الدعوة لوحدا - [00:10:13](#)

مش هتقدر تطلب علم لوحدا. مش هتقدر تسعى على رزقك بدون ما تأكل حرام لوحدا. يا جماعة اين الصحبة في حياتك اين صحبة الصالحين في حياتك؟ معك مين؟ رفيقك للجنة مين؟ اللي انت وهو بتتسنده - [00:10:33](#)

على بعض في طريقكم لربنا. مين؟ قضية في غاية الخطورة. قضية الصحبة الصالحة. وآآ يعني يعني قلت لاخواني في عشر ذي الحجة قلت لهم ان مواسم العبادة دي مواسم فضح الصالحين. فضح الصالحين. الصالح كلنا بنعبد جنب بعض. فكله ببيان - [00:10:53](#)

اللي قاعد يصلي من العشاء للفجر ببيان. فبتقدر تعرف الصحبة الصالحة اللي انت تتعرف عليها مين؟ يبقى اذا خرجت بصحبة السنة اللي فاتت ديت خرجت بصاحب صالح جديد معقولة سنة من عمرك ما خرجتش فيها بصاحب جديد ما خرجتش فيها باخ - [00:11:13](#)

صوام قوام يشجعك على العبادة. ما خرجتش فيها باخ داعي الى الله. باخ طالب علم. باخ عابد يتقي في الله باخ متورع عن الحرام يذكرك بالله. ما خرجتش بها بحد زكار. ما خرجتش بها بحد بيحافظ على تسبيح الغدو - [00:11:33](#)

والاصل ما خرجتش بها بحد. يا جماعة دي الغنائم العظمى في الحياة. الاشارة الثالثة وانت داخل السنة الجديدة حدد هدفك حدد هدفك. كفاية توهان بقى. كفاية لف ودوران بقى. من الذي قرأ سورة الكهف اليوم؟ في سورة الجمعة ها؟ اللي ما - [00:11:53](#)

بعد الخطبة ان شاء الله بازن الله. قبل ان تغيب الشمس. ربنا بيقول فيها ايه؟ انا مكنا له في الارض. بيتكلم عن زيت قرنين. ان مكة ان له في الارض واتيناه من كل شيء سببا. ربنا ادى له مواهب كتير اوي. ادى له عطاءات كتير اوي. رأيت - [00:12:13](#)

من اكبر اسباب شقاء الازكياء في حياتهم تعدد المواهب. من اكبر اسباب احباط الازكياء في حياتهم تعدد المواهب ليه؟ لان هو بيعرف يعمل حاجات كتير فما هوش عارف. يعمل دي ولا دي ولا دي ولا دي. انا باعرف اعمل حاجات كتير في الدنيا او في الدين. وطمعان - [00:12:33](#)

كله ذو القرنين لما ربنا اتاه من كل شيء سببا. عمل ايه؟ تاه ما بين الاسباب؟ اتشتت ما بين الطرق المتاحة قدامه قال تعالى فاتبعه سببا. حط كل امكانياته في طريق واحد - [00:12:53](#)

حط كل امكانياته في جهة واحدة فكانت النتيجة بلغ مغرب الشمس بلغ مطلع الشمس بلغ وصل للي ما حدش وصل له. لف الكرة الارضية في السغر اللي وقف عليه. ليه؟ لانه ركز. لانه حدد هدفه. حدد هدفك - [00:13:13](#)

انت عايز ايه السنة دي في علاقتك بربنا؟ حدد مهمة السنة دي تطلع بها في علاقتك بربنا. ركز في حاجة الطفلين لما قالوا لعبدالرحمن بن عوف قبل غزوة بدر قالوا له يا عم اين ابا جهل؟ يا عم انت عايز ابن ابو جهل ده انتم اطفال. والله مصممين - [00:13:33](#)

اقتلوه. فالعلماء وقفوا قالوا ازاى طفلين يقتلوا ابو جهل؟ ده بالتأكيد الحراسة اللي حواليه. وبالتأكيد الرعب ده حوالين ابو جهل قال لك عارفين قتلوه ليه؟ وهم طفلين لانهم دخلوا المعركة محددين هدفهم. دخلوا مركزين. دخلوا - [00:13:53](#)

تدين هدف واحد. حدد هدفك السنة دي. عايز ايه؟ عايز ايه؟ عايز ايه في علاقتك بربنا؟ حدد هدف في الدين تركز عليه. هدف في العلم هدف في الايمان هدف في الدعوة هدف حدد هدفك ركز ركز عشان توصل لحاجة. السنة اللي بعدها - [00:14:13](#) ركز في حاجة ثانية. السنة اللي بعدها ركز في حاجة تالتة. ركز كل سنة في مهمة واحدة. ركز كل سنة في حلم من احلامك الدينية. في ثغرة من الثغور اللي مفتوحة قدامك ركز اليا فطة الرابعة وانت داخل السنة الجديدة. ودي يافطة في غاية الخطورة. اوعى تنسى -

[00:14:33](#)

اوعى تنسى اوعوا تغفلوا يا جماعة. يا اخوانا احنا جايين الدنيا دي عشان يوم القيامة. الغفلة التي نراها الان في الشوارع محتاجة ان يقرأ قلوب الناس كما قال تعالى القارة وما ادراك ما القارة! وما ادراك! ربنا بيكلم مين؟ بيكلم محمد بن عبدالله عليه الصلاة

والسلام. اعلم الخلق - [00:14:53](#)

في الله واعلم الخلق بالآخرة. سيدنا محمد ربنا بيقول له وما ادراك ده حاجة فوق تخيل اي انسان ده حاجة فوق تصور اي انسان. يا رب زي ده انت لو جبت اللي ماتوا في الزلازل واللي ماتوا في البراكين واللي ماتوا في الحمم واللي ماتوا في - [00:15:23](#) قنبلة نجازاكي وهيروشيما الدولية واللي ماتوا في الانهيارات الارضية ولا يتخيلوا اي شيء عن يوم القيامة. وما ادراك ده شيء فوق تخيل اي انسان. عايزين نقف يا جماعة. عايزين قلوبنا تقرر بتذكر الدار الآخرة. عايزين نخرج الدنيا والدار الآخرة مالية قلوبنا -

[00:15:43](#)

عايزين نفتكر ليه ربنا يقول القارة؟ ليه؟ القلوب عايزة تقرر ليه؟ قلوب كتير عايزة تقرأ. الواحد لما بيمشي في شوارع المسلمين ساعة صلاة الفجر يبقى عايز يطلع على سطح عمارة يصور شارع ساعة صلاة الفجر ويروح المقابر يطلع على سطح مقبرة ويصور -

[00:16:03](#)

شارع ساعة صلاة الفجر وينزل الصورتين قدام الناس. ويقول لهم عاملين مسابقة يا ترى مين في دول الاحياء ومين في دول الاموات؟ يا ترى مين في دول اللي عايشين ومين في دول الميتين؟ لا يوجد منظر يشبه شوارع المقابر الا منزر شوارع المسلمين

ساعة صلاة الفجر - [00:16:23](#)

لا يوجد منظر يشبه ده الا ده. القارة عايزين قلوبنا تقرأ عشان نفوق. ما القارة وما ادراك ما القارة! وما ادراك! ربنا بدأ السورة وما ادراك! وختم السورة بما ادراك ما هي! نار - [00:16:43](#)

في اولها وما ادراك ما حدش هيقدر يتخيل يوم القيامة. وبعد كده وما ادراك ما هي ما حدش هيقدر يتخيل النار. واحد زرت مستشفى الحروق فرأيت ما يشيب له القلب وليس ما يشيب له الشعر. يا اخواني في الله واحد بيصطاد الماية جه فيها حاجة يعني -

[00:17:03](#)

كان فيها حاجة كهربا قطعت اطرافه الاربعة. ده حريق كهربائي. قطعت اطرافه الاربعة في لحظات. ده ده حريص الدنيا وما ادراك ما هي كل الحروق بتاعة الدنيا وكل اللي داقوا الحروق بتاعة الدنيا حروق نارية ولا حروق كيميائية ولا - [00:17:23](#)

لحروق كهربية ولا حروق بتاعة المعادن كل دهيه وما ادراك ما هي ولا شيء بالنسبة للنار عايزين فكر الدار الآخرة لما ربنا سبحانه وتعالى يقول لك في اول السورة القارة يعني ايه القارة؟ القرع بالنسبة لاهل الدنيا واحد نايم في بيته - [00:17:43](#)

الساعة اتنين بالليل وهو نايم وعياله نايمين والدنيا كلها هادية وفجأة يلاقي حد بيقرع الباب. حد بيرزع الباب ايه قم تعال هو ده هو ده يوم القيامة حاجة لا تتوقع وفجأة ومفزعة القارة بالنسبة لاهل الحرب القرع طبول الحرب دي معناها - [00:18:03](#)

حرب كان الله يهدد من عصاه بالحرب يوم القيامة. عقوبات المعاصي بتاعة الدنيا دي كلها لا شيء بالنسبة للقرع بتاع يوم القيامة

القارة القارة ربنا جاب بس اثر القوارع يوم القيامة على الجبال قال وتكون الجبال كالعهن - [00:18:23](#)

منفوش. الجبال تبقى عاملة زي الصوف كده. الصوف المنفوش كده. ده ده قرع لحظات على اضخم مخلوق على وجه الارض. امل قرع خمسين الف في سنة على قلوب الناس هيعمل فيهم ايه؟ او مال اللي هيعيش الخمسين الف سنة يقرع يا ترى هيقدر ساعة

نصب الميزان؟ والله - [00:18:43](#)

تهيقرع ساعة نصب الصراط ولا هيقرع ساعة العرض على الله ولا هيقرع بزجرة البعث ولا هيقرع في ارض الحشر ولا اقرأ ساعة
تطاير الصحف القارعة. اول اية كلمة بس ما انتاش عارف طب الكلمة دي ايه؟ طب الكلمة دي مبتدأ ولا خبر؟ طب - [00:19:03](#)
الكلمة ديت في حاجة محزوفة قدامها طب قبلها؟ طب الكلمة دي ايه القارعة مفاجأة كده بس للقلوب. يعني كأن طلقة رصاص طلعت
او قنبلة انفجرت. ما حدش واخذ باله. ما حدش عارف. ما هذه القارعة؟ ما هذه القارعة؟ اول اية؟ القارعة - [00:19:23](#)
وبعد كده ثاني اية ما القارعة؟ ما القارعة؟ يعني ما التهويلية؟ يعني ده شيء مهول. ده شيء لا يتخيله احد عشان كده الدخلة بتاعة
سورة القارعة تعرفك الدنيا حقيرة قد ايه. تعرفك سيدنا ايوب ليه قال - [00:19:43](#)
مسنى الضر رغم انه اشد انسان ابتلي على وجه الارض. ما فيش حد هيبتل على وجه الارض زي ايوب. مسنى لان نعارف يعني ايه
القارعة؟ عارف الاخرة في اي حاجة في الدنيا مهما كانت دماس ما القارعة وعشان كده الدخلة دي تعرفك - [00:20:03](#)
عظمة الدار الاخرة. هو يا جماعة اللي احنا بنعمله ده استعداد للكلام اللي احنا بنقوله ده! هو اللي احنا بنعمله ده في الدين! هو ده
الاستعداد للكلام اللي ربنا بيقوله ده في القرآن - [00:20:23](#)
هو ده استعداد ده زي اب داخل على ابنه ليلة الامتحان. فيلاقيه قاعد ايه؟ قاعد ربع ساعة كده ايه؟ يبص في الورق وهو نايم على
السرير كده يقعد قدام الكمبيوتر والتليفزيون. يقول له زاكرا يا ابني. يقول له ما انا بزاكر اهو. يا ابني ما هو انت بتزاكر اهو. بس اللي
انت بتعمله ده ما لوش علاقة باللي انت - [00:20:33](#)
داخل فيه بكرة. اللي انت داخل فيه بكرة عايز تقعد على المكتب. عايز زهره يتنا على المكتب وتفضل قاعد مطبق الليلة كلها لحد
الصبح لان اللي انت داخل فيه ده امر خطير. وما ادراك ما القارعة! لما ربنا يقول لمحمد بن عبدالله وما ادراك - [00:20:53](#)
اومال احنا يبقى اللي يتقال لنا ايه؟ يا جماعة يبقى معناها ان الدار الاخرة دي شيء فوق التصور وفوق التخير وما ادراك ما القارعة!
ولا اللي عاشوا الالام! ولا اللي عاشوا الانفجارات النووية. ولا اللي ماتوا باي طريقة ولا حد - [00:21:13](#)
يقدر يتخيل يعني ايه يوم القيامة ما هذا اليوم؟ طب يا رب القارعة دي امتى؟ الايات ما قالتش. طب ما ده شيء يرعب. الايات ما
قالتش ازاى طب يا رب القارعة ديت هتقرع الناس بايه؟ هتقرع القلوب ولا هتقرع الاجساد ولا هتقرع العقول؟ الايات ما قالتش. طب
يا رب يا رب وربنا - [00:21:33](#)
يقول لك القرع قال الف ولام يعني مش قارعة ال كأن كل ما رآه الانسان من قوارع في حياته ولا شيء. هي دي زي ما ربنا يقول لك
كده ايه في سورة الزلزلة قال زلزلة طب ما في زلازل كتير وتسونامي غيرت الخريطة الجغرافية بتاعة الكرة الارضية - [00:21:53](#)
ده كل ده ولا شيء بالنسبة لزلزلة الساعة بقى. القارعة فهي داخلة ترجف القلب ارجافا. القلب يرتجف لها ما القارعة! وما ادراك ما
القارعة! يوم يكون الناس كالفرش المبتوث. يوم ربنا ما قالكش ايه القارعة - [00:22:13](#)
ليه؟ لانك ما انتاش هتفهم ايه القارعة؟ ما حدش هيعرف اصلا. يعني ايه؟ انا باوصف لك في حاجات انت ما تقدرش تتخيلها. طب
امال شف الايات هتوصف ايه؟ هوصف لك اثرها على اللي هيعيشها. هوصف لك زي ما تشوف واحد ميت وعينه مبرقة ومش نزرة -
[00:22:33](#)
فزع على عينه يبقى بالتأكيد ده قبل ما يموت كان فيه حاجة مفزعة زي في حادش سبتمبر لما واحد رمى نفسه من برج التجارة
العالمي يبقى بالتأكيد جوة كان فيه حاجة مفزعة يبقى - [00:22:53](#)
انت مش هتقدر تتخيل. انما انا هقول لك يوم القيامة هيعمل في الناس ايه. يوم يكون وربنا قال حاجتين. الناس اللي هو حضرتك
المكلف وتكون الجبال اللي هو اقوى مخلوق على وجه الارض. ربنا جاب لك اثر يوم القيامة على اتنين عشان تعرف - [00:23:03](#)
يوما يوما يعني ايه؟ ربنا يقول لك اليوم ده تأثيره ايه؟ انما اليوم ده فيه ايه؟ شيء عظيم يوم يكون الناس كالفرش المبتوث.
وتكون الجبال كالعهن المنفوش. يوم يكون ايه الكلام ده؟ يعني ايه الكلام ده يا جماعة - [00:23:23](#)
يوم يكون الناس كالفرش المبتوث الناس هتبقى عاملة زي الفراش. قال لك الفراش ده بيجري على النار. قال لك الناس يوم القيامة
من الفزع بتاعها ممكن تجري على النار. قال لك يعني ايه تجري على النار؟ زي ما ربنا قال انطلقوا الى ظل ذي ثلاث شعب. لا ظليل.

طب هم - 00:23:43

يروحو النار انطلقا له ؟ بيحسبوا مية. لانها تعرض لهم كأنها سراب. غير ان الناس يوم القيامة تستغيث بالانبياء ان يشفعوا لهم عند الله ان يبدأ الحساب ولو سيقاضوا الى النار. مش قادرين يستحملوا حر شمس القيامة. بيستغيثوا - 00:24:03

الانبياء انهم يشفعوا عند الله ان يبدأ الحساب. ولو سيقادوا الى النار. بس يترحموا من عذاب الانتظار اللي هم فيه. متخيل الناس ممكن توصل للدرجة ديت يوم يكون الناس كالفراش. بس فيه حاجة يا جماعة. فيه حاجة في المشهد ده. ما ينفعش تغيب عننا.

الفراش ده ده - 00:24:23

اجنحته ملونة. الفراش ده حاجة جميلة اوي صح ولا؟ الفراش ده كائن اللي دايم بيضرب به المسل في الجمال الرهيب. والالوان الزاهية والنقوش الجميلة كالفراش المبعوث المبعوث ده البس الازاعي حاجة بتطلع من مركز واحد وتنتشر في الجمهورية -

00:24:43

بل قد تنتشر في الكرة الارضية كلها وكل تليفزيون او راديو يلقتها. وتكون الجبال كالعهن. العين ده الصوف متعدد الالوان. الصوف اللي مش من لون واحد. اللي اتسبخ بكزا لون. قال لها ده فيه مشهد الوان تاني اهو غير الفراش. الصوف المنفوش. المنفوش ده يقول

لك انت - 00:25:03

ريشك كده ليه ؟ النفشة الكدابة المنفوش ده ، الصوف ده حاجة لونها يخطف العين. والمنفوش ده حاجة اكلها وحجمها يخطف العين.

الله! هو ايه اللي حاصل ؟ يا اخوانا كان الله يعرض حال الناس دي - 00:25:23

الي سورة القارة بتتكلم عنهم في الدنيا كانوا شكلهم ايه وفي الاخرة كان هيبقى شكلهم ايه. عشان كده ربنا يقول فاما من ثقلت موازينه فهو في عيشة راضية. واما من خفت موازينه اللي كانت موازينه في الدنيا غلط. اللي كان حاسبها غلط. فامه - 00:25:43

قوية امه اللي هي راسه. كأن ربنا بيقول لك جهنم دي كلها مستنية راس. راس انسان. لما ربنا اتكلم على الجنة قال لك هو في عيشة. هو كل جزء في جسمك هيتنعم في الجنة. ولكن لما تكلم عن النار قال امه كأن النار كلها مستنية الراس داهي. الراس داهي لازم تتحط

- 00:26:03

الراس ده اهي لازم تتشوي. الراس ده اهي لازم تتحرق. الراس ده ايه جهنم كلها مستنياها. مين ده؟ مين الصورة بتتكلم عنه ده. مين

الصورة اللي ربنا بيقول نار حامية؟ حامية دي يعني نار زي السكاكين بتقطع في الاجساد. مين مين ده - 00:26:23

مين اللي الصورة دي بتتكلم عنه؟ مين الفراش ده يا جماعة؟ الفراش ده كائن له ثلاث صفات في الدنيا. الصفة الاولانية انه كائن تايه. حتى يسموها هوام الليل اللي تجري ما انتاش عارف هي رايحة منين وجاية فين. سموها الفراش. الفراش ده كائن تايه. كائن ما لوش

هدف. كائن ما لوش وجهة. كائن ما لوش رسالة محددة. كائن - 00:26:43

ما لوش طريق محدد. في اول حاجة انه انسان تافه. انه انسان ما لوش وجهة في حياته. انه انسان ما لوش رسالة في حياته الحاجة الثانية الفراش ده اول ما يشوف نار يجري عليها. زي ناس كتير. اول ما يشوف اي حاجة بتلمع. اي حاجة وما هوش عارف انها نار -

00:27:03

اول ما يشوف اي منهج ضد شرع الله يجري. اول ما يشوف شهوات. اول ما يشوف اي حاجة فيها بالونة منفوخة واضواء ليزر واصوات مش عارف ايه يجري بيحكي على اي حاجة بتلمع وخلاص. لانه ما لوش هدف. الحاجة الثالثة الفراش ده الفراشة دي اصلا -

00:27:23

الفراشة دي المفاجأة يا جماعة ان الفراشة دي حشرة دودة بس طلع لها جناح ملونة. لو اتشال الاجنحة اللي خدعة الناس وشكلها

هتلاقيها حنة دودة ممكن يشمئز قلبك. ممكن تتقيأ ما في بطنك لما تنظر لها - 00:27:43

الدودة تمشي تشوف البنت ماشية في الشارع لابسة سبع طرح فوق بعض كل طرح لون غير التاني. وحاطة اتناشر نوع باكياس في وشها. ولابسة لبس خمستاشر لون بيتشاكلوا مع بعض. وهي من جوة لا تستطيع ان تربى طفلا ولا ان تبر زوجا ولا هي عارفة -

00:28:03

في حاجة في الحياة تمشي تلاقي الشاب عامل شعره سبايكي ولا فيرزاتشي ولا عامله منظر شعره على منزر البنطلون الضيق اللي لابسه على منزر الكوتشي اللي ماسك لابسه على منزر وتبص وتيجي تتكلم معه - [00:28:23](#)

لا دنيا ولا دين. لا هو هنا ولا هو هنا. كان فراش حاجة تبهرك. بس هي في الآخر دودة كان فراش اوعى تبقى فارغ. اوعى تبقى شكل من برة وخلاص. ودي مشكلة كثير من المجتمع اللي احنا عايشين فيه - [00:28:39](#)

انه عامل زي الفراش. شكل من برة. انما الحقيقة تايه. الحقيقة فارغ. الحقيقة ما لوش رسالة. الحقيقة ما لوش ود المبوث منزر الناس وهي طالعة يوم القيامة من مكان واحد من تحت التراب والكل قاعد بيت في ارض البعث وتكون - [00:28:59](#)

الجمال الجبال ده يتخيل الجبال تكون كالعن المنفوش. ازاي يا رب؟ يعني قرع لحظات بداية قيامة على الجبال تخليها كالعن المنفوش. اومال قرع خمسين الف سنة عليك انت هيعمل ايه؟ يا جماعة يا اخوانا العين ده - [00:29:19](#)

صوف متعدد اللوان وهو اضعف انواع الصوف. اضعف انواع الصوف. تخيلوا عشان كده الامام الرازي يعني قال لك ان ده بيحصل بعد تطاير الجبال لان الجبال كل جبل له لون غير الثاني. فمعنى ان الجبال تبقى واحدة ولونها متعدد ان جبال الارض هتتطاير -

[00:29:39](#)

وتصطدم ببعضها وتختلط الوان جبال الارض جبال اسيا وجبال افريقيا وجبال امريكا الجبال كلها هتختلط ببعضها فينتج الشكل المتعدد اللوان ده. يعني منظر معناه ان يوم القيامة انا مش اي حاجة. وتكون الجبال كالعن المنفوش. الناس - [00:29:59](#)

ساعتها لما هتشوف منزر الجمال بالمنزر ده هتنبهر بها. اخيرا لقينا ملجأ في ارض القيامة. اخيرا لقينا مكان نحتمي به. جبل كبير رأيت جبلا حصل فيه انفجار آآ انفجار بركاني. جبل يعني اظنه كان في جزر هاواي. يعني لا اذكر بالضبط كان في اي مكان - [00:30:19](#)

كان العلماء مصوريه بالزبط كالعن المنفوش. كانه جبل صوف منتوف كبير. كانه جبل كده صوف او القطن لما الراجل اللي بيجي ينجد يقعد ايه يقعد ينتف فيه كده. منزر كبير سبحانه الله العظيم نفس المنزر اللي ربنا وصفه بالزبط. فالناس تحسب ان ده جبل -

[00:30:39](#)

وملجأ ولما فتجري فاذا هو كان شكل من برة وخلاص. زي ما ناس كثير كانت شكل من برة وخلاص عشان كده العين في اللغة من معانيه الغصن اللي من برة شكله سليم وهو السوس نخره من جوة. او اي - [00:30:59](#)

اي حاجة نخرته من جوة. فتيجي تمسكه او تحط حاجة عليه زنا منك انه سليم يقوم مكسور وواقع قدامك. منزر من برة خلاص. ناس كثير عاشت كده يا جماعة. ناس كثير عاشت منفوشة وخلاص. ناس كثير عاشت همها النفشة الكدابة. ناس كثير - [00:31:19](#)

حاشت همها الشكل والمنزر واللون. ناس كثير عاشت كده يوم القيامة يتصدمم. فاما من ثقلت كينو واما من خفت موازينه. كثير من المفسرين قال لك ثقلت موازينه هنا. مش معناها ميزان يوم القيامة. قال لك موازينه بتاعة الدنيا - [00:31:39](#)

القيم اللي كانت عندك في الدنيا. يا جماعة ربنا قال فاما واما ما فيش حاجة في النص. ما فيش رمادي. يا اما سقل الموازين يا اما خف الموازين. يعني ايه؟ يعني انت مع مين؟ يعني انت قيمك شكلها ايه؟ اللي تايهين في الدنيا دول لهم - [00:31:59](#)

دول ولا هم مع دول هيقفوا يوم القيامة. بعد ما كل ارض المحشر تفضى والناس تروح الجنة او النار هيقفوا على جبل الاعراف. بتاعة الناس اللي اليوم يلبسوا هنا ولا مشوا هنا. يا اخوانا ده طريق مصر وده طريق اسكندرية. اللي عايز يمشي في النص لا - [00:32:19](#)

توصل مصر ولا هيوصل اسكندرية. هيتوه اهم دول اهل الاعراف. انما اهل الجنة مشيوا في طريق الجنة. واهل النار في طريق النار. عشان كده ربنا بيقول لك فاما من ثقلت. واما من خفت ما فيش. الدين مش لعبة. موازينك شكلها ايه - [00:32:39](#)

احوال موازينك شكلها ايه؟ ام آآ بيل كلينتون لما مسك الحكم لا انسى لها كلمة في حوار اتعمل معها. فبيقولوا لها اه امنيتك ايه؟ ابنها بقى رئيس الولايات المتحدة الامريكية. قالت لهم امنيتي ان انا اموت - [00:32:59](#)

فقالوا لها ازاي؟ ابنك بقى رئيس امريكا ونفسك تموتي. قالت لهم لان دي اعلى حاجة في الحياة. لا يوجد ما بعدها فانا وصلت لاعلى حاجة في الحياة. ان ابني بقى رئيس امريكا. اهي دي. الكرسي اعلى حاجة في - [00:33:17](#)

الحقيقة هي دي مصيبة البشر. واما من خفت موازينه. انما لما النبي يقول ركعة الفجر خير من الدنيا وما فيها. مصدقين يا اخواني!

مصدقين يا رجاله! مصدقين تمام تمام يا ميه امال حضراتكم في صلاة الفجر كلنا ما كناش ماليين المسجد كده ليه؟ لما احنا مصدقين ان ركعتا الفجر خير من الدنيا وما فيها ها - [00:33:37](#)

يعني بالله عليك يا راجل لو قالوا لك سنة الفجر مرة كده ولا فلوس اناسيس. سنة الفجر مرة كده ولا قصور الوليد ابن طلال؟ سنة الفجر مرة كده ولا عقارات واملاك آآ بيل جيتس؟ يا ترى بجد انت عندك ركعتا الفجر؟ خير من الدنيا وما فيها؟ يا ترى دي موازينك - [00:34:07](#)

يا اخوانا يا اخوانا عايزين نوزنها صح. اما من ثقلت موازينه اللي كانت القيم بتاعته صح. اللي كانت من الايات التي تنقص هذه الامة قد جعل الله لكل شيء قدرا. ان الدنيا لها قدر والاخرة لها قدر. انما لما تشوف فرحة - [00:34:27](#)
واحد بابن اتولد له بعد خمس بنات. والابن ده هو اللي هيرمي على ابوه بلاش ده كان واحد اعرفه فعلا قتل ابوه. كان اتولد على ست بنات. وكب على ابوه جركن بنزين وحرقه. ها؟ يوم ما اتولد ابوه كان قلبه بيرقص من الفرحة - [00:34:47](#)
انما بلاش. شف منزر فرحته بولادته. وشف منزر يوم القيامة وابنه داهوه بيقر من ابوه وبيقول له ما ليش دعوة بك انا ما لي انا ما لي ما اقدرش اشيل سيئة من سيئاتك ولا اديك حسنة من حسناتي. احنا مش بنقول نسيب الدنيا. بس بنقول نعرف قيمة الدنيا. نعرف - [00:35:08](#)

ايه الدنيا وايه الاخرة يا جماعة! فاما من ثقلت موازينه. واما من خفت موازينه. لما انسان في الدنيا كده واحد يقول لك يا عمي ياما سمعناها. يا عمي يعني هو صلاة الجماعة آآ هو انا لو صليت في بيتي ما تتقبلش! يا اخي ده في الجامع - [00:35:28](#)
سبعة وعشرين ضعف. يعني في بيتي ما تتقبلش. يا بني ده سبعة وعشرين ضعف السواب. يعني لو في بيتي باطلة. تعال شف ده بقى يوم القيامة. لما ما من ساعة تمر بابن ادم لا يذكر الله تعالى فيها الا حسر عليها امتى؟ يوم القيامة. لما - [00:35:48](#)
شف صح بقى. لما المقاييس تتزبط بقى يا ندمي. يا ندمي على كل صلاة راحت مني في جماعة. لما المقاييس تتزبط صح شف الناس في الدنيا مبهورة بالدنيا قد ايه. مبهورة طاييرة بالدنيا قد ايه. وشوفوا نفس اللي طاييرين بالدنيا دهوت شفهم يوم القيامة - [00:36:08](#)

قال رسول الله صلى الله عليه وسلم تقيئ الارض فلذات اكبادها. تقيئ الارض ترجع. عارف لما انسان يتقيأ اللي في بطنه يقرف تقيئ الارض فلذات اكبادها. تطلع كل الجواهر والذهب والفضة واللؤلؤ والمرجان زبارجد كل - [00:36:28](#)
قاهر المهولة والالماظ اللي كانت وتقيئ الارض فلذات اكبادها. مثل الاسطوان من الذهب. الناس طالعين كالفراش المبثوث. الناس كلها يموج بعضهم في بعض. الناس كلها اشتاتا. الناس كلها امواج بشرية بالمليارات. بتصطدم ببعض مع امواج من الجن - [00:36:48](#)
بالمليارات مع الوحوش مع الهوان مع السباع مع المؤودات اللي اتاودت وطالعة منزر الكل مليارات منزر رهيب وفي وسط المشهد دهو كله تقيئ الارض فلذات اكبادها مثل الاسطوان من الذهب. الارض تطلع الذهب اللي - [00:37:08](#)
الناس دي كانت هتموت عليه في الدنيا. فيأتي السارق اللي كان في الدنيا حرامي. وينظر الى المال. النهاردة مش ببيص ياخذ. النهاردة ببيص عشان يولول على نفسه ويقول في هذا سرقت. ويأتي القاتل وينظر الى المال - [00:37:28](#)
ويقول في هذا قتلت ويأتي قطع الرحم وينظر الى المال. ويقول في هذا قطعت رحمي. ثم يتركوه ويذهبوا. ولا عاد لها اي قيمة. اتفضحت. واذا العشار عطلت. في الدنيا كان - [00:37:48](#)

قلت مصيبة واذا العشار عطلت. اسأل الله سبحانه وتعالى ان يهدي قلوبنا وان يصلح احوالنا. انه ولي ذلك والقادر عليه الحمد لله وكفى وصلاة وسلاما على عباده الذين اصطفى. اما بعد فاما من ثقلت موازينه فهو كله - [00:38:08](#)
فامه راسه بس ، هو كل جزء في جسمك اطعت به ربنا هيتهنم في الجنة. مستنيه الاف الاصناف من النعيم في الجنة فهو في مغموس في النعيم. في عيشة كلمة عيشة دي بالنسبة للشباب كلمة كبيرة قوي. يقول لك فلان عايشها. ده - [00:38:28](#)
يا عم اللي من رحلة لطلعة لقصة لحوار ويقول لك ده عيشة يا هم ده عايشها ربنا بيقول لك فهو في عيشة. العيشة في الجنة من قعدة مع النبي عليه الصلاة والسلام للنزر لوجه الله. لخيمة من خيم اللؤلؤ - [00:38:48](#)

عزوجته له نزهة على نهر الكوثر فهو في عيشة. عيشة بقى الدنيا دي خنيقة. لما الواحد تدبر في نصوص الجنة والله يا اخواني.

الواحد بيتخفق من الدنيا اللي احنا فيها دي. هي كلها ثلاث اربع انواع ترفيه. الناس بعاد عن ربنا بسببهم. ده - [00:39:08](#)

قهوة وبعد كده يطلع النادي. طب بكرة زهق واتخفق يبقى يروح النادي وبعد كده القهوة. طب بعده ما عدش يلاقي حاجة يعملها. يقعد على الفيسبوك مخنوق ويكتب انا هموت من اكتئاب من الملل اللي انا فيه. يا ابني ما هو انت انت اللي جايب لنفسك ده. انت اللي ماسك المسمار وقاعد تدق على دماغك وتصوت. انت السبب في اللي انت فيه - [00:39:28](#)

لما الواحد بيتدبر في نعيم الجنة وبابهار نعيم الجنة. وربنا خلق على وجه الارض عشرين مليون نوع كائن من انواع الكائنات الحية. والارض دي حته زرة تراب كده تائهة في الكون. ما يقدرش يخلق لك عشرين مليون نوع من انواع - [00:39:48](#)

النعيم في اول يوم في الجنة الجنة وما ادراك ما الجنة. وان شئتم ان تقرأوا عن اول غمسة في الجنة افتح سورة اللي الناس اتبهرت بزغره في الدنيا وربنا جايب لك في اخر السورة اول غمسة في الجنة. واول غمسة في النار. عشان الناس تعرف - [00:40:08](#)

ايه الدنيا وياه وما هي الاخرة؟ سبحان الله العظيم! فهو في عيشة عيشة ايه؟ مرضية لا راضية كل حاجة فرحانة به. كل حاجة مستنيها اصل في الدنيا ما كانش راضي غير بربنا. في الدنيا الناس ما كانوا راضيين به. انا مش متخيل واحد فقير في الدنيا. والناس مش عايزة - [00:40:28](#)

انت بتكلمه ولا تقعد معه يدخل الجنة يلاقي قصور. ويلماقيه متجاوز ملكة من الملكات. جمالها لا يوصف. وبتتحنن اليه اوعى تتحب اليه. انا متخيل هيبص لنفسه كده ويقول انا انا الكلام ده كله عشان انا عيشة راضية. جربت كده نجم دخل - [00:40:48](#)

الحفلة وكل اللوف مستنيها. ده ده لا شيء في لهفة اهل الجنة على انتظار اهل الجنة. راضيا كل اللي فيها فرحان انا به مكان كل اللي فيه فرحانيين بك. كل اللي فيه راضيين بك. كل اللي فيه معظمين لك. انت متخيل! واما من خفت - [00:41:08](#)

موازينه. فامه هاوية. الراس داهي. الراس التافهة داهي. الراس الفرخة داهي. الراس اللي كانت بتجري ورا اي حاجة ملونة ومنفوخة داهي. الراس داهي جهنم مستنيها. فامه هاوية. منزر راسه وهي بتترضى في النار - [00:41:28](#)

فامه هاوية وما ادراك ما هي! السورة بدأت وما ادراك! ما القارة وانتهت وما ادراك ما هي! يعني الدار الاخرة دي فوق التصور وفوق التخيل نار حامية بلا رحمة بلا رحمة. ده في الدنيا ما رحمش نفسه. في حامية دي يعني نار زي السكاكين التي تقطع في الاجساد - [00:41:48](#)

وامه هاوية. الام دي مصدر الحنان والعطف. تخيل اما واحد امه تبقى جهنم. هتعمل فيه ايه؟ هتربيه على ايه زي حديس النبي عليه الصلاة والسلام فبنست الام وبنست المربية. في الذي يذهب الى النار. تخيل لما واحد امه النار هترضه نار وهتأكله نار وهتشربه نار - [00:42:16](#)

وهتغطيه بنار وهتصبحه على نار. وهتمسيه على نار. اذا دخل اهل النار النار فلا والله لا تذوقوا اعينكم قم غمض نوم ابداء. ولا والله لا يطاؤون باقدامهم اديم ارض ابداء. ولا والله لا ينظرون الى سماء - [00:42:36](#)

ان ابداء والعياذ بالله. وما ادراك ما هي؟ نار حامية. المفاجأة التي تدمي القلوب ان الصورة اللي بعد سورة الواقعة هي سورة ايه؟ سورة ايه؟ التكاثر اللي اول اية فيها ايه؟ قالها - [00:42:56](#)

التكاثر. بعد الكلام ده اهو كله ربنا اتى لك بمشهد الناس وهي بتجري الدنيا بعد كل ده. بعد كل قوارع الوعظ اللي في القرآن داهي. فمن لم يقرع قلبه القرآن في - [00:43:16](#)

الدنيا فيا ويلة من قوارع القارة يوم تقوم الساعة. اخواني واحبابي في الله وقفة مع النفس اتكلما النهاردة ان ايامه هيبدا العام الهجري الجديد. اتكلما انك انت لازم تقف مع نفسك كشف حساب. زي اي شركة في نهاية اي سنة مالية - [00:43:36](#)

اتكلما ان الوضع اللي فات ده ما ينفعش يستمر. كفاية نزييف عمر. كفاية سنة ورا سنة بتعدي. السنة اللي فاتت دي. اللي اللي نمتها اكثر ولا ليالي اللي قممتها. السنة اللي فاتت دي الايام اللي صمتها اكثر ولا الايام اللي فطرتها. السنة اللي فاتت دي قربتك - [00:43:56](#)

من ربنا قد ايه؟ زودت اخلاصك قد ايه؟ زودت صدقك قد ايه؟ رقبته اعتقت من النار ولا لأ؟ نجوت من النار ولا قربت من الفردوس

الاعلى ولا لأ ؟ اخواني في الله مش عايزين السنة الجاية تبقى زي السنة اللي فاتت. عشان كده قلنا فيه اربع اشارات على باب السنة -

00:44:16

الاشارة الاولى قبل ما تدخل لحد امتى ؟ لحد امتى نزيف العمر اللي مستمر ده؟ والنبي بيقول لك اقف مع نفسك بعد كل ساعة غفلة واحنا واقفين بعد سنة مش بعد ساعة. الاشارة الثانية معك مين ؟ يا جماعة لابد من صحبة تذكر بالله هلاقيها فين - 00:44:36

احضر الدروس الدينية وانت تلاقيها. احفظ قرآن مع حد وانت تلاقيها. دور عليها وانت تلاقيها. هم الشباب اللي قاعدين في اي كم معصية لقوا بعض ازاى ؟ دوروا على بعض لحد ما لقوا بعض. وبقي صعب انك تطلع واحد منهم. اهو كذلك لو انت لقيت صحبة

00:44:56 - صالحة سبب -

فطول حياتك. الاشارة الثالثة. حدد هدفك. زي زو القرنين ربنا اتاه من كل شيه سببا. ما تهش ما بين المواهب اللي ربنا اداها له اتبع سببا سخر كل امكانياته في طريق واحد. كانت النتيجة بلغ مغرب الشمس. النتيجة انه وصل. النتيجة انه بلغ. النتيجة انه -

00:45:16

في الارض النتيجة انه نجح نجاح مبهر. لانه ركز حدد هدفك السنة دي. حدد هدفك في علاقتك بربنا. ايه مشروعك السنة دي الحاجة الرابعة اوعى تنسى. اوعى تنسى ان احنا جايين الدنيا عشان الدار الآخرة. اوعى تنسى القارة. اوعى تنسى القارة. اوعى -

00:45:36

اوعى موازينك تخف لو نسيت القارة. اوعى اوعى تتوه. اوعى تعيش زي الفراشة. شكل من برة وبس. عفش شقتك حلو عربيتك حلو. رنة محمولك حلوة وانت من جوة لا رسالة ولا قضية ولا معنى ولا وجهة ولا شيه بتضحى عشانه - 00:45:56

ولا شيه بتعيش عشانه. اوعى تعيش زي الفراش المبتوث. اوعى تعيش زي العهن المنفوش. من برة شكلك حلو. ومن جوة منخور ومن جوة مكسور نافشة على الفاضي. نفشة كدابة على الفاضي - 00:46:16

اوعى تعيش موهوم بالالوان وبالاشكال وبالاحجام. ما انتش ما انتش بتجري ورا المعاني. ما انتش طالب آخرة. اوعى اوعى لان هيعيش بالطريقة ديت. امه هاوية والعياذ بالله. اخواني في الله. بداية السنة الجديدة شهر الله المحرم. النبي عليه الصلاة والسلام

00:46:32 - سماه شهر الله. شهر -

اذكروا الله ولم يسم شهرا اخر شهر الله الا المحرم. فلو قلنا شهر الله فهو المحرم. اكرر شهر النبي عليه الصلاة والسلام قام فيه في السنة كلها اكرر من شعبان. اكرر شهر صنف بعد رمضان شهر الله المحرم. كان النبي بيعلمنا ان اول السنة لازم نبدأها - 00:46:52

هبة قوية جاي فيها عاشوراء. جاي فيها وقد تكلم العلماء عن العشر الاوائل من محرم. بالتعظيم. وتكلموا عن احداث ضخمة حدثت في يوم عاشوراء عايزين نبدأ السنة الجديدة بداية سليمة. بداية صح. اخواني في الله. اكرر حاجة اتكلمنا عنها النهاردة سورة القارة.

00:47:12 - روح -

اقرا القرآن بس روح اقرا القرآن صح. روح اقرا سورة الكهف. بتاعة كل جمعة بس روح اقراها صح. القرآن ممكن يقلب حياتنا كلنا. القرآن هو طوق النجاة الوحيد لانقاذنا كلنا. لو بينا شاب مش عارف يلتزم ومش عارف يسبب المعاصي. حلك تقرا القرآن. لو بينا اخ

00:47:32 - مش عارف يتربى -

تقي. حلك تقرا القرآن. لو بينا واحد في ابتلاءات ومخنوق ومش عارف يصبر. حلك تقرا القرآن. لو بينا زوج وزوجة متشككين وعلى وشك الطلاق حلكو تقروا القرآن بس تقروه صح. ربنا قال يتلونه حق تلاوته. يعني ايه صح؟ تقراه بصدر - 00:47:52

تقراه بخشوع تقراه باستمرار ورد يومي. ولو ربع قرآن. ولو صفحة قرآن بس لو قرئتها صح هتغير حياتك تقراه وانت فاهمه. النبي عليه الصلاة والسلام في الحديث الذي حسنه ابن حجر العسقلاني رحمه الله. لما تأخر على القوم - 00:48:12

وكان هيديهم درس قال لهم اني طرأ علي حزبي من القرآن. اني طرأ علي. طرأ ده يعني طوارئ يعني واحد سايح في دمه على

الطريق السريع. ويا اما عربية الاسعاف تلحق توديه الطوارئ يا اما يموت. يعني النبي بيقول - 00:48:32

عليه الصلاة والسلام ان ورد القرآن لو راح من حياتك انت هتبقى عامل زي اللي خبطته عربية على الطريق السريع بين الحيا والموت

يا اما يلحق نفسه يا اما يضيع. اني طراً علي حزبي من القرآن. الورد اليومي الذي كان رسول الله صلى الله عليه وسلم يقرأه من -

[00:48:52](#)

قرآن ده النبي بيقول لك ورد القرآن في حياته طواري. طواري. امال انت محتاج ورد القرآن قد ايه؟ امال انت في حياتك قد ايه يا اخوانا عايزين نقرأ احنا النهاردة اتكلمنا عن ثلاث سطور من القرآن سورة القارعة. والواحد بيجري ويبعدي ومش عارف - [00:49:12](#)
اقف قدام المعاني اللي فيها عشان بس وقت الخطبة. كل اية من القرآن كافية لانقلاب حياتك. كل اية من القرآن كافية لتغيير عودة الى القرآن يا عباد الله. عودة الى نور السماء في حياتنا. حرام. مصيبتنا اننا - [00:49:32](#)

ملتزمون بدون ما يكون القرآن له دوره الحقيقي في حياتنا. كل المشاكل اللي حصلت السنتين والنص اللي فاتوا لاننا نجاهد ونكافح نضحي ونعمل لنصرة دين الله. ولكن خارطة الطريق اللي هي القرآن مش هي خط السير بتاعنا. يا اخوانا عودة الى القرآن. اقروا -

[00:49:52](#)

القرآن صاح يتلونه حق تلاوته. يروح صح اولئك يؤمنون به. وصلوا مجرد قراءة القرآن قراءة سليمة تكفي للوصول. روح بيتك. اكتب ورقة قدام السرير اللي بتنام عليه. اني طراً علي حزبي من القرآن. اني طراً - [00:50:12](#)

ده حزبنا القرآن ورد القرآن نروح نقرأ سورة الكهف. لا تنسوا ساعة الاجابة اخر يوم الجمعة. لا تنسوا ساعة الاجابة اخر يوم الجمعة الساعة اللي قبل المغرب. ما تنسوهاش اقل عليك بابك فيها. اقعد في مسجد فيها. انت محتاج الدعاء اكتر ما انت محتاج النفس اللي بيدخل - [00:50:32](#)

في صدرك اوعى تضع ساعة الاجابة. اخر كل جمعة لا تضعوا سورة الكهف. من اول النهاردة ابدأ ختمة قرآن جديد بس عاهد ربنا انك تستمر فيها. ما انتاش قادر تقرا جزء في اليوم ما تقراش. مش قادر تقرا حزب بلاش. مش قادر تقرا يوميا خمس صفحات -

[00:50:52](#)

عين بلاش. يا عم اقرأ يوميا صفحة. يا عم اقرأ يوميا ربع بس يتلونه حق تلاوته. اية واحدة تقرأها صح اح قادرة على تغيير حياتك. اية واحدة كل اية في القرآن اشد اثرا من شق البحر الاحمر لموسى. اشد - [00:51:12](#)

بعثرا من شق القمر في منى. كل اية في القرآن اشد اثرا من طوفان نوح. القرآن اعظم الايات مش عايزين نضيع دور القرآن في حياتنا ومش عايزين نهمل القرآن في حياتنا. اسأل الله سبحانه وتعالى. اللهم اجعل القرآن العظيم ربيع قلوبنا - [00:51:32](#)

ونور ابصارنا وجللاء احزاننا وذهاب همومنا. اللهم ارزقنا تلاوته اثناء الليل واطراف النهار على الوجه الذي ترضيك عنا. اللهم ارزقنا ان نتلوه حق تلاوته. اللهم ارزقنا فهمه والعمل به. اللهم اقمنا على مرادك منا - [00:51:52](#)

اللهم اجعل العام القادم خير عام مر علينا في حياتنا. اللهم اعنا على ذكرك وشكرك وحسن عبادتك. اللهم ايقظ قلوبنا اللهم اضئ قلوبنا. اللهم طهر قلوبنا. اللهم انا نستغفرك من كل ذنب عصيناك به. نستغفرك من ذنوب العام الماضي ومن - [00:52:12](#)

ذنوب عمرنا كله. اللهم انا نستغفرك من كل معصية سر جعلناك فيها اهون الناظرين الينا. ونستغفرك من كل صلاة ان ضيعناها ونستغفرك من كل من كل درهم حرام اكلناه ونستغفرك من كل نظرة - [00:52:32](#)

حرام نظرناها. يا من تبسط يدك بالليل ليتوب مسيء النهار. تب علينا يا ربنا من ذنوب الليل والنهار. تب علينا لتتوب. تب علينا توبة ترضى بها عنا. تب علينا توبة ترضيك. تب علينا توبة نصوحة. تب علينا توبة لا نرد على اعقابنا بعدها ابدًا. اللهم - [00:52:52](#)

زد هدايتك على اهل مصر. اللهم اغث اهل مصر. اللهم ازل الفتنة والشقاق من بين اهل مصر. اللهم الف بين قلوب المصريين على طاعتك وابتغاء مرضاتك. اللهم فرج كربات اهل مصر. اللهم ازل همهم وغمهم. اللهم فرج عنهم كربهم. اللهم افرج عنا - [00:53:12](#)

اللهم افرج عنا. ربنا اكشف عنا العذاب انا مؤمنون. ربنا اكشف عنا العذاب انا مؤمنون. اللهم انزل هدايتك على شباب مصر وعلى فتيات مصر وعلى رجال ونساء واطفال مصر. اللهم انصر دينك واعزاء اوليائك. اللهم اذن لدينك ان - [00:53:32](#)

واذن لشرعك ان ينتصر. واذن لكتابتك ان يحكم. اللهم افتح قلوبنا للهدى واغث اخواننا في سوريا. واغث اخواننا في فلسطين واغث المسلمين في كل مكان. والف بين قلوب المسلمين على طاعتك وابتغاء مرضاتك يا رب العالمين. انك ولي ذلك والقادر عليه -

00:54:12 - سبحانك اللهم وبحمدك اشهد ان لا اله الا انت استغفرک واتوب اليک